



Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

§. 2. Dei consilium & dispositio in Remp. sæcularem.

urn:nbn:de:hbz:466:1-39637

ferant Deo, hostias viuentes, omnes sensuum voluptates refranentes. *Fa-*
cies verò aquile desuper erat ipsorum quatuor animalium: quæ aquila Statum
significat Episcoporum & Prælatorum, qui perspicaciori videndi facultate
prædicti ob contemplationem, gubernationi reliquorum cum magna pru-
dentia ac discretione attendunt. omnes autem hos Status mouet dirigitque
vnuis spiritus Christi, qui eos charitate connectit, & ad propria cuiusque
Status opera conformiter mouet: sicut vna eademq; anima diuersa sui
corporis membra mouet. Et quamuis pugnæ & contradictiones non defint, si-
ue illæ eveniant ex complexionum diuersitate, siue ex ira & inuidia ho-
stium: diuitius tamen spiritus ita hanc coniunctionem in Ecclesia seruat, vt
neque ipsi Status, nec concordia inter eminentiores, qui in eis sunt consti-
tuti, sint vñquam defecturi. Ac propterea quasi stupore pleni dicunt Angeli,
d quid videbis in Sulamite, nisi choros castrorum? Chori continet multitudo-
nem cantorum, siue saltantium, qui magna concordia & alacritatem suam
musicam aut saltum peragunt: castra militum complectuntur multitudinem,
qui magna conformitate, licet nō sine timore, contra hostes pugnant. Quid
igitur videbis in sponsa veri Salomonis, hoc est Ecclesia, cuius nomen est
Sulamites, quod pacificam sicut eius sponsus significat: quidquid in ea est,
chori sunt Virginum, Religiosorum, & Ecclesiasticorum, qui in laudibus
*Deo decantandis occupantur: & castra Episcoporum, Prædicatorum, ac Magis-
|trorum, qui eius ab hostibus defensioni semper attendunt. Et in omnibus
|Statibus aliquos habet coiunctissimos, & ad pia opera exercenda valde co-
|cordes: nunc cum magna quiete & pace, quæ fructus est eius victoria; nunc
|cum graui pugna, tali tamen, quæ veram pacem non auferat, quia non suc-
|cumbunt in ea.*

§. 2. *Dei consilium & dispositio in Rempub. seculari.*

QVID QVID haec tenus de vniuersa Ecclesia, & Republ. Ecclesiastica
 diximus, explicabimus nunc in seculari. Hæc ex diuino consilio ac
 prouidentia distribuitur in varios Status & Officia, quæ ad bonam ipsius
 conseruationem & augmentum adeò sunt necessaria, vt (quemadmodum S.
 Thomas ostendit) in ipso Innocentiae Statu fuisset aliqua inter homines in-
 æqualitas, vt alij essent maiores, alij minores; superiores aliqui, alij subdit:
 quamuis non ea differentia fuisset, quæ nunc est, Dominorum & Mancipi-
 orum, diuitum, & pauperum egenorum, nec alia officiorum mechanicorum
 varietas, quæ post Originis peccatum sunt inuenta: quamobrem Deus Do-
 minus noster suæ gubernationis dispositionem mutauit. Nam primùm
 quoniam multi homines futuri erant scelerati, pacisque communis & lu-
 stitiae perturbatores: constituit, vt alij officium haberent Gubernatorum ac
 Iudicium, cum autoritate condendi leges iustas, quibus improbos coerce-

rent,

d Cant. 7.1.

In Ecclesia
chori &
Castræ.Varij status
in seculo ne-
cessarij.
1. p. 9. 96. n.
3. 3. 4.

Indices.

rent, bonos verò dirigerent: ac proinde possent improbos & insolentes punire. Ac propterea voluit, alios esse subditos, & inferiores, qui tenerentur obedire, & subiçere se maioribus. Cumque dissensiones ac bella inter diuersas familias, ac ciuitates orientur, cœpta est ars *militaris*, in qua distincta fuerunt officia designanda, eò quod necesse esset, non omnes milites æquales esse, aut proprio capite gubernari; sed certos habere capitaneos, quibus obedirent: sicut & hīnum Generalem, cui subiçerentur. Ex quo ortis sunt Status Imperatorum, Regum, & Principum: & officia Ducum, Comitum, & Marchionum, & aliorum Reipubl. Magnatum, quæ omnia sunt à diuina prouidentia constituta, iuxta illud Apostoli: a *Omnisan* a potestatibus subdatis: non est enim potestas, nisi à Deo: que autem sunt, à Deo ordinata sunt; itaque qui resistit potestati, Dei ordinationi ressistit. Nam Princeps, minister Dei est, b in laudem honorum, & vindictam malefactorum, b non enim sine causa gladium portat, instrumentum scilicet ad puniendum malum.

Post peccatum etiam mortae sunt & auctæ corporales hominum necessitates, quoad habitationem, domum, indumentum, cibum, & aliæ innumeræ: ad quarum subsidium diuina prouidentia inspirauit diuersa artificia, & opificia, ita ut aliqui essent fabri, lignarij, & serarij; alij sartores, alij agricultore, & hortorum cultores: quia his omnibus Respubl. indigebat. Et quoniam possibile non erat, vt singuli omnes artes discerent: quia non sunt ad omnes exercendas apti; nec se potuissent tot curis onerare, quot tum instrumenta, tum varia media ad eorum usum requirebantur: voluit prouidentia diuina pluribus ea distribuere, dans aliquibus propensionem, & aptitudinem ad alias; alijs verò ad alias, prospiciendo suauiter & efficaciter omnium necessitatibus. Alius enim vestes alijs parat, à quibus frumentum; alijs frumentum præbet, & calceos accipit, & alijs instrumenta conficiunt, quibus alijs in suis artibus vtantur. Et sic splendet Sapientia diuina, quæ (vt Sapiens dixit:) c attingit à fine usque ad finem fortiter, & disponit omnia suauiter, ita ut nunquam desint homines, qui hæc officia suauiter, & non inuiti exerceant: vt hominum Respubl. conseruetur. Perpendit hoc misericordie Sapiens referens continuos Agricultorum labores, & aliorum, dicēs:

d Quatenet aratum, & qui gloriatur in iaculo, stimulo boves agitat, & conuersatur in operibus eorum, & enarratio eius in filiis taurorum, cor suum dabit ad versandos sulcos, & vigilia eius in sagina vaccarum. Sic omnis Faber & Architectus, qui nolum tanquam diem transigit, qui sculpit signacula sculptilia, & assiduitas eius variat picturam; cor suum dabit in similitudinem picture, & vigilia sua persicit opus. Sic faber ferrarius sedens iuxta incudem, & considerans opus ferri: Vapor ignis uret carnes eius, & in calore fornacis cōcertatur. Vox mallei innuat au- rem eius, & contra similitudinem vasis oculus eius, cor suū dabit in consummatione

Milites.

a Rom. 13.1.

b 1. Pet. 2.14.

Mechanica
artes.Propensio
varia a Deo

c Sap. 8.14.

d Eccl. 33.26
usque ad fi-
nem cap.

operum, & vigilia sua ornabit in perfectionem. Sic Figulus sedens ad opes suum, cōhertens pedibus suis rotam, qui in solitudine positus est semper propter opus suum, & in numero est omnis operatio eius. In brachio suo formabit lumen, & ante pedes suos curuabit virtutem suam. Cor suum dabit, ut consummet linitionem, & vigila sua mundabit fornacem, omnes hi in manibus suis sperauerunt, & unusquisq; in arte sua sapiens est, sine his omnibus non adscicatur ciuitas, & tamen in Ecclesiam non transilient. Super sellam Iudicis nor; sedebunt, testamentum iudicii non intelligent, quia ad hæc officia & dignitates in Ecclesia, aut Rep. apti non sunt, sed creaturem cui confirmabunt, & deprecatio illorum in operatione artis, ad eam accommodantes animam suam, quia ad eam exercenda talentum & aptitudinem à Deo acceperunt. Hæc Sapiens.

HINC etiam orta est post peccatum diuitium & pauperum varietas, quam ob varios fines prouidentia diuina constituit: & unus ex præcipuis est, vt prædicta necessaria varietas in Republ. conseruetur, nisi enim in diuitijs & paupertate hæc varietas esset, vix possent huiusmodi variae artes, & mechanica artificia exerceri. Paupertas enim efficit, vt pauperes ad eam attem & officium animum applicent, in quo possint necessariam sibi ac familiae suæ sustentationem acquirere: diuitiae vero etiam sunt necessaria, vt possint diuites alijs maioris momenti officijs attendere, & pauperibus præbere, quæ ad artes suas exercendas sunt necessaria. Nec est quod propterea diuites se erigant, nam magis ipsi pauperibus indigent, quam ipsis indigeant pauperes: exiguum enim fructum illis adferrent agri multi, vineæ, & pecora, & armenta: nisi essent aliqui pauperes, qui proprii comodi causa, & agros colerent, & pecora custodirent. Et quid illis argentum & aurum profuisset, nisi essent qui & cibum ipsis præparent, & vestes conficerent, ac domos adfiscarent? & quomodo aurum & argentum in ipsis potestate venisset, nisi fuissent pauperes, qui ex terræ fodinis illa extraherent, & alii Artifices, qui ea purgarent, elaborarent, ac denique pecuniam cuderent? pauperes item quomodo potuissent aliquibus horum frui, nisi diuites essent, qui maria nauigarent, & efferrent adferrentque ea in nauibus que in diuersis sunt regionibus? & quomodo nauis dominus potuisset illam gubernare, ac nauigare, nisi multi pauperes adessent, qui mercedis causa illum iuuarent? dispositum itaque prouidentia diuina hanc in diuitijs & paupertate imparitatem, vt omnes possent quantum opus esset, rebus omnibus ut, seque mutuo inuare, hic pecuniâ, ille industria, alijs labore.

Ex HVIVSMODI imparitate & inæqualitate hominum orta est etiam illa, vt aliqui sint Domini, aliqui mancipia; alij heri, alii famuli: vt alii sint qui præscribant præcipiantque facienda, alii qui illis obsequantur, quod eadem prouidentia diuina ita disposuit, vt onera curarum & laborum cor-

pora-

*Paupertas
inuenit artes.*

*Diuites
pauperibus
plus indigent.*

poralium in varios homines distribueret, ita ut vnam partem domini, aliam famuli sustinerent, & quamuis corporalium laborum onus ipsi corpori sit molestius, at solicitudines & curae non sunt spiritui minus molestiae: Domino enim incumbit cura toti familiae de rebus necessarijs prouidendi, de vestitu, cibo, & multis alijs quibus illa indigeret: cum tamen famulus ab huiusmodi cura sit liber, solumque corporalem laborem iuxta prescripcum subeat; aut partem etiam aliquam solicitudinis, quae illi committitur.

Hinc denique disparitas orta est familiarum quo ad genus & prosapiam, ut alij nobiles sint, alij plebeij; alij liberi & generosi, alii vestigalia & tributa pendentes: & huiusmodi aliae sunt differentiae ex nationum & familiarum origine ortae. Quamuis enim Deus Dominus noster efficerit ex uno omnino genio hominum, ut in hoc omnes essent aequales, sicut sunt in conceptione & nativitate; in morte & corruptione corporis: at postea necessaria fuit huiusmodi familiarum distinctione, ut alia essent alia nobilior, orta ex heroicis aliorum hominum factis, & ex enormibus aliorum peccatis. Ex qua causa linea ex f. Adam per Seth prelata est generationi ductae per Cain, quae tota periret in diluvio. Et quamuis noluerit Deus in Arcam Noe mancipia vlla aut famulos ingredi, sed tres tantum eius filios cum suis vxoribus, ex quibus reliqui propagarentur, ut aequalitas in omnibus seruaretur: postea verò linea Noe per Sem fuit ei prelata, quae fuit per Cham. Et ipse Dominus ex linea illa Sem elegit Abraham, cuius descendentes per Iacob prætulit descenditibus per Ismaelem: & in filiis Isaac, relicto Esau, elegit Iacob, & duodecim Tribus, quae à duodecim eius filiis fuerunt propagatae, inter quas tamen prætulit Tribum Leui in spiritualibus, & Tribum Iuda in temporalibus. Ex quo apparet, hanc generis in aequalitatem, sicut alias ordinatam fuisse & approbatam a prouidentia diuina, in eos fines & utilitates, quas sensim in particulari de singulis dicemus.

CAPVT II.

CHRISTVM DOMINVM NOSTRVM PECV.
liarem habere curam Statuum & Officiorum corporis sui
mystici, hoc est, Ecclesie: & ipsummet exemplar
esse perfectionis cuiusque illorum; &
quamnam hac sit.

QUEMADMODVM Christus Dominus noster verus Deus & homo, author est & institutor Ecclesie ac Reipub. Christianæ, & Statuum ac officiorum, quae eius, quae Christiana est, sunt propria: ita etiam peculiarem habet prouidentiam & curam

c Act. 17. 26.
Familiarū
distinctio
necessaria
& à Deo.

f Gen. 4. 25.
g Eccl. 9. 26.